

文體明辯

十八

78
8

東 京 圖 書 館

漢書門	三	函	架	號	冊
	三	四	二	八	二

漢書門



類	號	函	架	冊
二	二	四	一	六
二	九	八	二	六

內閣文庫

漢書	函	架	冊
二	七	八	三
二	九	三	三

內閣文庫	
番號	漢 6122
冊數	78 (21)
函號	362 30





文體明辯卷之十八

大明吳江徐師曾伯魯纂

敕附勝

按字書云敕戒敕也亦作勅劉熙云敕飭也使
之警飭不敢廢慢也劉勰云戒敕為文實詔之
切者周穆王命鄧父受勅憲此其事也漢制天
子命令有四其四曰戒書即戒敕也唐制王言
有七其四曰發勅五曰勅旨六曰論事勅書七
曰勅牒則唐之用勅廣矣宋亦有敕或用之於
獎諭豈敕之初意哉其詞有散文有四六故今

分古俗二體而列之宋制戒勵百官曉諭軍民
別有敕榜故以附焉今制諸臣差遣多予勅
行事詳載職守申以勉詞而褒獎責讓亦用之
詞皆散文又六品已下官贈封亦稱勅命始兼
四六亦可以見古文興復之漸云
古體

勅侍御史司空

漢章帝

方春所過無得有所伐殺車可以引避引避之駢
馬可輟解輟解之詩云敦彼行葦牛羊勿踐履禮
人君伐一草木不時謂之不孝俗知順人莫知順

天其明稱朕意

勅司隸校尉部刺史

漢殤帝

夫天降災戾應政而至間者郡國或有水災妨害
秋稼朝廷惟咎憂惶悼懼而郡國欲獲豐穰虛飾
之譽遂覆蔽災害多張墾田不揣流亡競增戶口
掩匿盜賊令姦惡無懲署用非次選舉乖宜貪苛
慘毒延及平民刺史垂頭塞耳阿私下比不畏于
天不愧于人假貸之恩不可數恃自今以後將糾
其罰二千石長吏其各實覈所傷害為除田租芻
藁

勅處分十道朝集使二首

唐張九齡

勅朝集使等朕恭已承天守文繼位布一心於兆庶明四目於萬方恒恐道或未周物不遂性旁求後又共理黎元于茲羣辟寧不我副凡今政要畧有四端衣食本於桑農禮義興於學校流亡出於不足爭訟由於無取故先王務其三時將以厚生也脩其五教將以淳俗也有國有家同知此議不患不知患在不行爾且長吏數改政教屢移在官當先為國理入各揚其職不當冒榮于進苟利其

身澆俗不可不革淳風不可不長近令刺史在任四考方遷實始終其情黜陟斯繫必若縣得良宰萬戶息有州有賢牧千里解帶仁政不遙行之則是皆能勵節朕復何有且如浮逃客戶所在安輯征鎮人家每事憂恤倉儲維實賦役維均鰥寡撫存盜賊禁止郵驛無弊姦訛不生念茲八事朕常屢想嗟爾庶尹可不用心卿等還州遞相勸勉遵此王度恤彼下人敬順天常無違月令夫星列躔次土分區域休咎之徵維人所感善必知主惡亦有由每至歲成當加賞罰宜知朕意並即好去

勅朕臨御天下二十餘載每望至理實仗羣賢何嘗不敷求循良共底于道隼旟能軾光寵有加甘靈鳳凰寂寥無紀豈朕之不德感致而然為庶尹所能已極於此是用寤寐增歎殷勤永懷更為後圖或未晚也且一郡之政繫一已之能泉源既清蓬麻自直為長吏者可不勉之卿等至州遞相慰誨以副共理之意用光分憂之委且如江左爰及山南歲小不登人已菜色皆由好逐朝夕之利而無水旱之儲卒遇凶年莫非艱食此則政乖慮始人無勸分欲免流庸不可得也夫氓者寘也豈能

自謀政者正也當矯其弊所由長吏可不勉歟相其物土之宜務以耕桑之本時無妨奪吏不侵漁既富而教奚畏不理至若征鎮役重孤弱命窮將須哀矜以遂仁恕其餘常科所禁自可舉而行之豈煩縷說方振綱領乃者庚子制書已明理要徐思其意勿謂空言若風教未弘議能蓋闕竟入朝計其幸遷除勿曰不知將自誣也方牧叅佐各宜思之朕所待賢能不惜官秩維聲實是與維履行是憑古者刺史入為三公郎官出為宰百里豈有限也何在汲汲不安於理郡哉誠須勵精以俟後

命並即好去

勅伊吾軍使張楚賓書

唐張九齡

勅伊州刺史伊吾軍使張楚賓近得卿表知沙陀
入界此為劉渙凶逆處置狂踈遂令此番斃有遷
轉今劉渙伏法遠近知之計沙陀部落當自歸本
處卿可具宣朝旨以慰其心兼與蓋嘉運相知取
其穩使豐草美水皆在北庭計必思歸從其所欲
也卿可量事安慰仍勿催迫處置了日具以狀聞
夏中盛熱卿及將士百姓已下並平安好遣書指

不多及

頌貢舉條制勅

宋歐陽脩

勅夫儒者通乎天地人之理而兼明古今治亂之
原可謂博矣然學者不得騁其說而有司務先聲
病章句以牽拘之則吾豪儁竒偉之士何以奮焉
有純明朴茂之美而無數學養成之法其飭身勵
節者使與不肖之人雜而並進則夫懿德敏行之
賢何以見焉此士人取士之甚弊而學者自以為
患議者屢以為言朕慎於改更比令詳酌於更
詳酌焉仍詔宰府加之參定皆以謂本學校以教

之然後可求其行實先策論則辨理者得盡其說
簡程式試則閱博者可見其材至於經術之家
稍增新制兼行舊式以勉中人其煩法細文一皆
罷去明其賞罰俾各勸焉如此則待士之意周取
入之道廣夫遇人以薄者不可責其厚今朕建學
興善以尊子大夫之行而更制革弊以盡學者之
材予於教育之方勤亦至矣有司其務嚴訓道精
察舉以稱朕意學者其思進德脩業而無失其時
凡所科條可以作為永制式
罷諸路同提點刑獄使臣置轉運判官勅

宋劉敞

國家兼覆寓內疆理天下分州立邑十有八路惟
吏之不平民之失職政之頗類獄之糾紛未能獨
察也故設糾虔之司使奉欽恤之寄專屬朝案貳
以武吏誠欲審疑察枉釋冤決滯納民於不冤流
化於無訟而武吏或起世家或由軍功文墨期會
未必深究監司背項適增其繁夫非其習而望其
效違其方而冀其功不亦難乎其罷諸路同提點
刑獄使臣令樞密院勘會已及二年者即令赴闕
未及二年者與就移合入差遣及於河北河東陝

西緣邊兵馬多處相度添置路分都監以次補用
庶幾人盡所長官不虛受夫轉運使之任所寄耳
目治財賦集事功也江南東西荆湖南北廣南東
西福建益梓利夔等十一路此其去京師遠者萬
里近者數千里或跨帶山海崎嶇蠻夷而皆一員
主之處則無與參慮出則無與僇力設有緩急之
警調輸之煩機會一失民受其敝甚非豫慮先事
之策其各增置轉運判官一員以三年為一任選
差第二任以上知州資序人候一任滿日與提點
刑獄差遣初入知州及第二任通判資序人候滿

兩任日與提點刑獄差遣若居部無狀墮職敗事
亦重行其罰蓋士常患任之不當其材無以見長
用之不久其任無以就功今朕別異文武使得自
試選擢賢能使得次進吾於士大夫可謂無負矣
其各竭力悉心勉成功名布告中外咸諭朕意
誠勵諸道轉運使經畫財利寬恤民力勅

宋王安石

夫閔仁百姓而無奪其時無侵其財無耗其力使
其無憾於衣食而有以養生喪死此禮義廉恥之
所興而三帝三王誠勅百工諸侯之所先後世不

可以忽者也。朕夙興夜寐，聽治不怠，園游宮室之
觀，無所增飾，而躬以節儉。先天下之士，然而不忍
入之政，考諸先王，未有以及之也。凶年飢歲，民之
父子夫婦，猶有不得保其家室，而放乎溝壑。意者
吏或不良，不知所以賑救，省憂之方，而使之至此
邪？今吾別諸道，置使者，使得察吏之良否，而視民
之疾苦，輒具以言，而任事者或不惟朕志之所急
而以侵牟之為故，甚非所以遣使者慰安元元之
意也。夫轉輸天下之財，以給有司之費，皆有常數
而無橫求。誠能御輕重，斂散之權，而禁因緣之奸。

則何患乎經入之不足？彼前世良吏，能經其民而
官事，亦不耗廢者，豈有他哉？亦在乎勉之而已。若
乃操聚斂之贏，以為功，而不知百姓與足之義，非
唯逆於朕志，而有司考績之法，亦將不汝容焉。朕
言維服，其聽毋怠可。

提轉考課勅詞

宋王安石

先王考績之次序，雖見於經，而其詳不傳於後世。
朕若稽古，以脩衆功，而諸路刺舉之官，未有以考
其賢否。比勅有司，詳議厥制，條奏來上，詢謀悉同。
其使布宣，以勵能者，而擇左右可信之良使，典治

之古人有言徒善不足以為政徒法不能以自行
今朕有念功樂善之志焉而又繼之黜陟幽明之
法以待天下之大吏矣然非夫任事之臣躬率以
正而考慎其實與士大夫宣力于外者皆安于禮
義而不以便文徵幸為姦則朕之志豈能獨信於
天下而法亦何恃以行哉咨爾在位其各悉力一
心務祇新書以稱朕至誠惻怛之意以上法制

敕東平王字傳相 漢元帝

夫人之性皆有五常及其少長耳目牽於者讀曰
欲故五常銷而邪心作情亂其性利勝其義而不

失厥家者未之有也今王富於春秋氣力勇武獲
師傅之教淺加以少所聞見自今以來非五經之
正術敢以游獵非禮道王者輒以名聞右誠

勅渤海王大武藝書 唐張九齡

勅忽汗州刺史渤海郡王大武藝卿往者誤計幾
於禍成而失道未遙聞義能徙何其智也朕弃人
之過收物之誠表卿洗心良以慰意計卿既盡誠
節永固東藩子孫百代復何憂也近使至具知款
曲兼請宿衛及替亦已依行大朗雅等先犯國章
竄逐南鄙亦皆捨罪仍放歸藩卿可知之皆朕意

也夏初漸熱卿及首領百姓等並平安好遣書指不多及

賜右屯衛大將軍叔韶獎諭勅書

宋歐陽脩

勅叔韶省所進祝聖壽歌日月元樞論共二軸事具悉朕固嘉汝嚮學勵善蔚然而有文與夫習富貴之驕而樂狗馬之翫者異矣然夫學者所以知君臣父子之禮出可以施於國入可以施於家汝其慎擇厥師講救其闕使言而無過以自遠於悔尤夫能異於衆人誠為有立必至乎君子然後大

成汝其勉之無或中止故茲獎諭想宜知悉

賜勅獎諭審刑院詳議官大理寺詳斷官等

宋王安石

勅趙文昌等省知審刑院齊恢奏據大理寺日奏司狀四月一日已前下寺公案並已斷絕無見在事朕初嗣服德化未孚未念元元多罹犴獄汝等並膺選擢任在讞疑能勵厥官以無留事覽奏歎尚不忘于懷以上獎勵

俗體

皇族出官勅

宋蘇頌

自_レ我_レ祖宗_レ惇_レ叙_レ邦族_レ大_レ則_レ疏_レ封_レ於_レ爵土_レ次_レ則_レ通_レ籍_レ
於_レ閨臺_レ普_レ集_レ京師_レ參_レ奉_レ朝請_レ然_レ而_レ世_レ緒_レ寢_レ遠_レ臯_レ枝_レ
益_レ蕃_レ屬_レ有_レ親_レ疎_レ則_レ恩_レ有_レ隆_レ殺_レ才_レ有_レ賢_レ否_レ則_レ祿_レ有_レ重_レ
輕_レ今_レ而_レ一_レ貫_レ於_レ周_レ行_レ是_レ亦_レ奚_レ分_レ於_レ流_レ別_レ雖_レ睦_レ嫻_レ之_レ
道_レ誠_レ廣_レ而_レ德_レ施_レ之_レ義_レ未_レ周_レ故_レ廷_レ臣_レ數_レ言_レ宰_レ司_レ繼_レ請_レ
謂_レ宜_レ定_レ正_レ限_レ以_レ等_レ彝_レ朕_レ惟_レ親_レ戚_レ之_レ間_レ經_レ史_レ有_レ訓_レ漢_レ
唐_レ之_レ世_レ典_レ故_レ具_レ存_レ或_レ以_レ九_レ族_レ辨_レ尊_レ卑_レ或_レ以_レ五_レ宗_レ紀_レ
遠_レ近_レ或_レ聽_レ推_レ恩_レ而_レ分_レ子_レ弟_レ或_レ許_レ自_レ試_レ而_レ効_レ才_レ能_レ或_レ
宗_レ子_レ之_レ賢_レ得_レ從_レ科_レ舉_レ或_レ諸_レ王_レ之_レ女_レ自_レ主_レ婚_レ姻_レ盡_レ前_レ
世_レ之_レ所_レ行_レ顧_レ當_レ今_レ之_レ未_レ備_レ况_レ我_レ朝_レ制_レ作_レ動_レ法_レ先_レ王

豈_レ宗_レ室_レ等_レ衰_レ反_レ無_レ定_レ著_レ因_レ俾_レ羣_レ公_レ之_レ合_レ議_レ將_レ為_レ一_レ
代_レ之_レ通_レ規_レ載_レ攬_レ奏_レ封_レ具_レ陳_レ條_レ自_レ以_レ為_レ祖_レ宗_レ昭_レ穆_レ宜_レ
從_レ世_レ世_レ之_レ封_レ王_レ公_レ子_レ孫_レ抑_レ有_レ親_レ親_レ之_レ義_レ若_レ乃_レ服_レ屬_レ
之_レ既_レ竭_レ洎_レ于_レ才_レ藝_レ之_レ並_レ優_レ在_レ隨_レ器_レ以_レ甄_レ揚_レ使_レ當_レ官_レ
而_レ勉_レ懋_レ至_レ於_レ任_レ子_レ之_レ令_レ通_レ婚_レ之_レ儀_レ凡_レ白_レ有_レ司_レ之_レ常_レ
一_レ用_レ外_レ官_レ之_レ法_レ僉_レ言_レ既_レ允_レ朕_レ意_レ何_レ疑_レ告_レ於_レ將_レ來_レ遂_レ
頒_レ明_レ命_レ噫_レ自_レ義_レ率_レ祖_レ既_レ殊_レ升_レ降_レ之_レ文_レ因_レ時_レ制_レ宜_レ斯_レ
盡_レ變_レ通_レ之_レ利_レ咨_レ爾_レ宗_レ盟_レ之_レ衆_レ固_レ多_レ博_レ識_レ之_レ倫_レ奉_レ承_レ
新_レ書_レ富_レ體_レ朕_レ意_レ制_レ右_レ法

加_レ張_レ九_レ齡_レ守_レ中_レ書_レ舍_レ人_レ褚_レ瑒_レ守_レ給_レ事_レ中_レ勅

唐玄宗

門下朝請大夫中書舍人內供奉上柱國曲江縣開國男張九齡文含風雅道映簪裾朝請大夫試給事中上柱國褚琇學總古今詞兼典則或可言右掖綸綽戴華或參議東垣駁正斯允便繁日久忠憤逾深宜章稱職之名俾加即真之命九齡可守中書舍人琇可守給事中散官勳封各如故

賜護國軍三軍將吏僧道百姓等為護國軍節度使樞密使狄青罷政加平章事判陳州示諭勅書

宋歐陽脩

勅護國軍某人等朕以狄青夙兼忠勇之姿嘗著勤庸之効自參機務頗歷歲時載深乃眷之懷優以均勞之寵維命崇於名器蓋體繁於朝廷是加鼎軸之司委以藩垣之任乃人臣之榮遇想輿論之僉諧命官以上

宣賜崔與之夏藥勅二首

宋寧宗

勅與之卿以漢庭侍從之臣總蜀道藩宣之寄遠在萬里賢於長城屬時炎蒸緬懷耆艾爰侈珍良之錫用清保衛之宜今賜卿銀合夏藥至可領也

故茲示諭想宜知悉夏熱卿比好否遣書指不多及

勅與之南陸賓曦炎歆孔熾西陲制閫牧御良勞分放尚藥之珍往賜衛生之輔今賜卿銀合夏藥至可領也故茲示諭想宜知悉

宣賜崔與之臘藥勅二首

宋寧宗

勅與之朕身處深宮心懷外閫鐵衣金柝夙嘉牧御之勞翠管銀鬕往問起居之節勉循所部推廣吾仁今賜卿銀合臘藥至可領也故茲示諭想宜

知悉

勅與之卿以禁橐之者儒領制閫之重寄雖井絡增雄之久當雪山凝凜之時勞勩良多保調宜謹爰放珍劑庸寓眷懷今賜卿銀合臘藥至可領也故茲示諭想宜知悉

賜知蘭州王文郁銀絹獎諭敕書

宋蘇軾

敕王文郁汝以禦侮之才當專城之寄百堵皆作三月而成非威服民夷身先士卒則安能以一時之役成無窮之利達于朕聽良用歎嘉以上宣賜

賜屯田員外郎國子監直講梅堯臣獎諭敕書

書 宋歐陽脩

敕堯堯臣省所進裕享詩事具悉汝行懿而粹學優而純以詩自名為衆所服矧乃詠祖宗之功德述禮樂之聲容宜被朱紘以薦清廟載披來獻深用歎嘉故茲獎諭想宜知悉

賜西京作坊使知麟州王慶民獎諭敕書

宋歐陽脩

敕王慶民省所奏準密院劄子節文以臣撰成麟府二州絹圖一面并序自二冊詣闕上進事具悉

古之用兵者必因地形制方畧然後可以策勝敗之筭運奇正之謀爾以林武之資有敏明之識自膺東寄出守邊封而能周知山川險易之形歷覽亭障屯防之要列為凡自察爾條陳不唯指掌於披圖足以因時而制變遽茲來上深體乃忠省閱以還歎嘉曷已故茲獎諭想宜知悉

賜知建昌軍沈造勅書

宋歐陽脩

勅沈造省所進奉銀珠稻米一十石計一百黃絹袋事具悉汝職守軍符政兼民穡樂此有秋之實

擇其嘉穀之英式陳常貢之儀彌體恪官之意故
 茲示諭想宜知悉冬寒汝比好否遣書指不多及
 賜新授四方館使依舊英州刺史馬懷德進
 奉謝恩馬勅書
 宋歐陽脩
 汝近以疇勞擢陞要職乃求良駿來備貢輸深惟
 報國之誠更俟奮身之効良深嘉獎當悉眷懷
 賜隴州團練使代州部署田辛等勅書

宋歐陽脩

勅田辛省所進奉謝恩賜公使月俸馬一疋事見
 悉邊防有嚴寄任尤重嘉汝材武董吾兵師軍聲

俾壯於威容寵數宜優於廩賜遂陳貢謝益認傾
 輸尚體眷懷勿忘自効故茲示諭想宜知悉秋冷
 汝比好否遣書指不多及

賜新授龍神衛四廂都指揮使英州團練使

郝質勅書

宋歐陽脩

勅郝質省所進奉謝恩授龍神衛四廂都指揮使
 英州團練使并賜公使月俸馬共二疋事具悉朕
 嘉汝有忠勇之材遂膺選擢豐汝以廩賜之厚實
 示眷懷貢奉所陳勤誠已著功名可勉後效其思
 故茲示諭想宜知悉以上
 答報

勅牒交趾

宋王安石

勅交州管内溪峒軍民官吏等眷惟安南世受王爵撫納之厚實自先朝含容厥愆以至今日而乃攻犯城邑殺傷吏民于國之紀刑茲無赦致天之討師則有名已差吏部員外郎充天章閣待制趙高充安南道行營馬步軍都總管經畧安撫招討使兼廣南安撫使昭宣使嘉州防禦使入內內侍省都押班李憲充副使龍衛四廂都總管指揮使忠州刺史燕達充副都總管順時興師水陸兼進天示助順已兆布新之祥人知悔亡咸懷敵愾之

氣然王師所至弗迂克奔咨爾士庶久淪塗炭如能諭王內附率眾自歸爵祿賞賜當倍常科舊惡宿負一皆原滌乾德幼稚政非已出造廷之日待遇如初朕言不渝衆聽無惑比聞編戶極困誅求已戒使人具宣恩旨暴征橫賦到即蠲除冀我一方求為樂土

璽書

按蔡邕曰璽者印也信也古者尊卑共之左傳魯襄公在楚季武子使公冶問璽書追而與之此諸侯大夫印稱璽者也又衛宏云秦以前民

皆以金玉為印。然則天子之印以玉獨稱璽。羣臣莫敢用。自秦始皇也。漢初有三璽。天子之書用璽以封。故曰璽書。又曰賜書。唐以後獨稱曰書。亦璽書之類也。其為用或以告諭。或以答報。或以獎勞。或以責讓。而其體則以委曲懇到能盡褒勸警飭之意為工。今取漢以下諸作列之。以為式云。今制朝廷與諸主亦用書。疑即璽書也。

賜寶璽書

漢光武

融在河西與豪傑及諸太守議決策東向建武五年遣長史奉書獻馬使還帝賜

璽書

制詔行河西五郡大將軍事屬國都尉勞鎮守邊五郡兵馬精彊倉庫有蓄民庶殷富外則折挫羌胡內則百姓蒙福威德流聞虛心相望道路隔塞邑邑何已長史劉所奉書獻馬悉至深知厚意今益州有公孫子陽名天水有隗將軍名方蜀漢相攻權在將軍舉足左右便有輕重以此言之欲相厚豈有量哉諸事具長史所見將軍所知王者迭興千載一會欲遂立桓文輔微國當勉卒功業欲三分鼎足連衡合從亦宜以時定天下未并吾與

爾絕域非相吞之國今之議者必有任躡效致尉
佗制七郡之計王者有分土無分民自適已事而
已今以黃金二百斤賜將軍便宜輒言因授融為涼州牧融
遂受命

下諸將璽書

漢光武

制詔大司馬馮異破隗囂上書言狀不敢自伐諸將或欲分其功光武患之乃下璽書曰漢虎牙蓋建威漢中常捕虜武威尚將軍虜兵猥下三輔驚恐相邑危亡在於旦夕北地營保按兵觀望今偏城獲全虜兵挫折使耿定之屬復念君臣之義征西異功若丘山猶自

以為不足孟子及奔而殿亦何異哉今遣大中大夫賜征西吏士死傷者醫藥棺殮大司馬也下親弔死問疾以崇謙讓以上告諭

報梁王暢書

漢和帝

朕惟王至親之屬淳淑之美傳相不良不能防邪至令有司紛紛有言今王深思悔過端自克責朕惻然傷之王其安心靜意茂率休德易不云乎一謙而四益小有言終吉強食自愛

答臧錯璽書

漢文帝

錯上言兵事帝賜書寵大

皇帝問太子家令上書言兵體三章得地形卒服
聞之書言錯書中狂夫之言而明主擇焉今則不
然言者不狂而擇者不明國之大患故在於此使
夫不明擇於不狂是以萬聽而萬不當也宋真德
令小臣而帝賜以璽書官而不名詞又温厚
如此豈非盜謙好善之主哉以上答報

褒賜劉幽求璽書

唐睿宗

頃者王室不造中宗朕在外戚專政姦臣擅國將
傾社稷幾遷龜鼎朕躬與王公皆將及於禍難卿
見危思奮在變能通翊贊儲君協和義士殫殲元
惡放殛凶徒我國家之復存繫茲是賴厥庸甚茂

朕用嘉焉故委卿以衡軸昨卿以茅土然征賦未
廣籠錫猶輕昔西漢行封更擇多戶東京定賞復
增大邑故加賜卿實封二百戶兼舊七百戶使夫
高岸為谷長河如帶子子孫孫傳國無絕又以卿
忘軀徇難宜有恩榮故特免卿十死罪並書諸金
鐵俾傳于後卿其保茲功業永作國楨可不美歟

勞解琬璽書

唐睿宗

卿器局堅正才識高遠公忠彰其立身貞固足以
幹事類張騫之出使同魏絳之和戎職綰文武功
申方面勤於王家是為國老頃者顧斯側景願言

勇退深惜馬援之能未遂祁奚之請然章疏頻上雅懷難奪今知脫屣歸閒拂衣高謝固可以激勵頽俗儀刑庶僚永言終始良可嘉尚宜善攝養以介期頤以上獎勞

賜燕王旦璽書

漢昭帝

燕王謀反事覺帝賜璽書曰

昔高皇帝王天下建立子弟以藩屏社稷先日諸呂陰謀大逆劉氏不絕若髮賴絳侯勃等誅討賊亂尊立孝文以安宗廟非以中外有久表裏相應故邪樊名鄴曹名灌嬰攜劍摧鋒從高皇帝墾

舊字

除害耘鋤海內富此之時頭如蓬葆

草叢生曰

葆勤苦至矣然其賞不過封侯今宗室子孫曾無奉衣露冠之勞裂地而王之分財而賜之父死子繼兄終弟及今王骨肉至親敵吾一體迺與他姓異族謀害社稷親其所疏疏其所親有逆悖之心無忠愛之義如使古人也有知當何面目復奉齊酎見高祖之廟乎且得書即以此綬自經賜謚曰刺

賜淮陽王欽璽書

漢成帝

皇帝問淮陽王有司奏王舅張博數遺王書非毀政治謗訕天子褒舉諸侯稱引周湯以調古諂惑

王所言尤惡悖逆無道王不舉奏而多與金錢報以好言澤古罪至不赦朕惻焉不忍聞為王傷之推原厥本不祥自博惟王之心匪同于凶已詔有司勿治王事遣諫大夫駿姓申諭朕意詩不云乎靖恭爾位正直是與王其勉之欽得書免冠稽首謝罪

勅諭東平王字璽書 漢成帝

皇帝問東平王蓋聞親親之恩莫重於孝尊尊之義莫大於忠故諸侯在位不驕以致孝道制節謹度以翼天子然後富貴不離於身而社稷可保今聞王自脩有闕本朝不和流言紛紛謗自內興朕

甚憊焉為王懼之詩不云乎毋念爾祖述脩厥德求言配命自求多福朕惟王之春秋方剛忽於道德意有所移忠言未納故臨遣太中大夫子嬌張姓諭王朕意孔子曰過而不改是謂過矣王其深惟孰熟思之無違朕意

賜東平太后璽書 漢成帝

皇帝使諸吏宦者令丞問東平王太后朕有聞王太后少加意焉夫福善之門莫美於和穆患咎之首莫大於內離今東平王出襁褓之中而託于南面之位以年齒方剛涉學日寡驚忽臣下不自它

於太后言不自同人以是之間能無失禮義者其唯聖人乎傳曰父為子隱直在其中矣王太后明察此意不可不詳閨門之內母子之間同氣異息骨肉之恩豈可忽哉昔周公戒伯禽曰故舊無大故則不可棄也毋求備於一人夫以故舊之恩猶恐小惡而况此乎已遣使者諭王王既悔過服罪太后寬忍以貫之後宜不敢王太后強餐止思念慎疾自愛

賜嚴助書

漢武帝

初助願為會稽太守至在數年不聞問賜書曰

制詔會稽太守君厭承明之廬勞侍從之事懷故土出為郡吏會稽東接於海南近諸越越種非北枕大江間者闊焉久不聞問也善聲具以春秋對毋以蘇秦從橫助恐上書謝罪

賜吾丘壽王璽書

漢武帝

時壽王為東郡都尉年歲不熟多盜賊詔賜璽書曰

子在朕前之時智畧輻湊以為天下少雙海內寡二及至連十餘城之守任四千石之重郡守都尉守故云四千石也職事並廢盜賊從橫甚不稱在前時何也議罪

救責楊僕書

漢武帝

將軍之功獨有先破石門尋陋非有所將騫旗之
 將也烏足以驕久哉前破番禺捕降者以為虜掘
 死人以為獲是一過也建德南越名呂嘉南越相逆罪
 不容於天下將軍擁精兵不窮追超然以東越為
 援是二過也士卒暴露連歲為朝會不置酒將軍
 不念其勤勞而造佞巧請乘傳行塞因用歸家懷
 銀黃銀印垂三組將主爵都尉樓船將軍夸鄉里是
 三過也失期內顧以道惡為解失尊尊之序是四
 過也欲請蜀力問君賈讀曰幾何對曰率數百武

庫日出兵而陽不知挾偽于君是五過也受詔不
 至蘭池宮明日又不對假令將軍之吏問之不對
 令之不從其罪何如推此心以在外江海之間可
 得信乎今東越深入將軍能率眾以掩過不否同
 真德秀曰武帝之所引以警飭臣駕御將帥者
 畧見於賜嚴助等書史稱其雄材大畧信矣夫

賜趙充國書五首

漢宣帝

其一 神爵元年先零諸羌反帝遣丙吉問
 充國曰將軍度羌虜何如當用幾人
 畧酒泉太守辛武賢奏以七月旬分
 兵並出合擊罕在鮮水上者充國欲
 捐罕開之過隱而弗章先破罕則先
 以震動之議者以為不破罕則先
 未可圖上乃拜許延壽為強弩將軍武

賢為破羌將軍賜璽書嘉納其策以書敕讓充國

皇帝問後將軍其苦暴露將軍計欲至正月迺擊
 罕羌羌人當獲麥已遠其妻子徙其妻子今遠居而身來為寇也
 精兵萬人欲為酒泉敦敦同後煌寇邊兵少民守
 保不得田作今張掖以東粟石百餘芻橐束數十
 皆謂錢在之轉輸並起百姓煩擾將軍將萬餘之
 數言其貴也皆謂錢在之轉輸並起百姓煩擾將軍將萬餘之
 衆不早及秋共水草之利爭其畜食所食之欲至冬
 虜皆當畜讀曰食多藏匿山中依險阻將軍士
 寒手足皸裂音軍疥疥竹足反寧有利哉將軍不念
 中國之費欲以歲數而勝微將軍誰不樂此者猶微

無也言雖無將軍今詔破羌將軍武賢將兵六千丁
 軍人皆樂此

百人敦煌太守快將二千人長水校尉富昌酒泉

侯奉世將兒遮反羌名月氏兵四千人亡無慮萬二

千人齎三十日食以七月二十二日擊罕羌入鮮

水北句音鉤廉上謂水岸曲而去酒泉八百里去將

軍可千二百里將軍其引兵便道西並進雖不相

及使虜聞東方北方兵並來分散其心意離其黨

與雖不能殄滅當有瓦解者已詔中郎將充國子名

也將胡越飲飛射士步兵二校尉益將軍兵今五

星出東方中國大利蠻夷大敗太白出高用兵深

入敢戰者吉弗敢戰者凶將軍急裝因天時誅不
義萬下必全勿復有疑充國得書乃上書謝罪因
先擊罕开

其二復賜以書

制詔後將軍聞苦脚脛寒世將軍年老加疾一朝
之變不可諱朕甚憂之今詔破羌將軍詣屯所為

將軍副急因天時大利吏士銳氣以十二月擊先

零羌即疾劇留屯毋行獨遣破羌彊弩將軍

其三先擊是羌降者已萬餘人本國度其必
壞欲罷騎兵唯屯田以待其敗作奏

未上會得第二書督進兵
遂上屯田奏上報書曰

皇帝問後將軍言欲罷騎兵萬人留由即如將軍
之計虜當何時伏誅兵當何時得決孰讀曰孰計
後篇同計
其便復奏

其四充國得第三書乃上狀條不出兵
留由便宜十一事上復報書曰

皇帝問後將軍言十二便聞之虜雖未伏誅兵決

可期月而望期月而望者謂今冬邪謂何時也將

軍獨不計虜聞兵頗罷且丁壯相聚攻擾田者及

道上屯兵復殺畧人民將何以止之又大并小并

前言曰我告漢軍先零所在兵不往擊久留得亡

效五年本始時不分別人而并擊我大小并嘗其
五年

意常恐今兵不出得亡變生與先零為一將軍孰計復奏

其五 志國得第 四書復奏以為屯由內有歸德丞相魏相任其計於此是報書曰

皇帝問後將軍上書言羌虜可勝之道今聽將軍將軍計善其上留屯由及當罷者人馬數將軍強食慎兵事自愛按此書第五當從答報類今真德秀曰觀宣帝充國君臣間論難往復猶家入父子唯諾然君明臣忠千載之下猶可師也愚謂古之君臣相與如此固視後世其臣一見請讓而惶恐待罪不敢出言其君一聞違忤而赫然震怒不容復辯者霄壤矣

賜馮奉世璽書

漢元帝

光武二年秋隴西羌反於是遣奉世將萬二千騎以將屯為名奉世具上地形部眾多少之計願益三萬六千人乃足以決軍事奉天子大為發兵六萬餘人拜太常弋陽侯任子秋為奮武將軍以助焉奉世上言願得其眾不須煩太將因陳轉輸之費帝以璽書勞奉世且讓之曰

皇帝問將兵右將軍甚苦暴露羌虜侵邊境殺吏民甚逆天道故遣將軍帥士大夫行天誅以將軍材質之美奮精兵誅不軌百下百全之道也今乃有畔敵戰若畔敵然之名大為中國羞以昔不閑習之故邪以恩厚朱洽信約不明也朕甚恠之上

書言羌虜依深山多徑道不得不多分部遮要害
須得後發營士足以決事部署已定執不可復置
大將聞之前為將軍兵少不足自守故發近所騎
日夜詣兼行不休息也近所隨近之處也日夜言非為擊也助其
已今發三輔河東弘農越騎迹射倏飛般者羽林
孤兒及呼速索等種厚若方急遣且兵凶器
也必有成敗者患策不豫定料敵不審也故復遣
奮武將軍兵法曰大將軍出必有偏裨所以揚威
武參計策將軍又何疑焉夫愛更士得衆心舉而
無悔禽敵必全將軍之職也若乃轉輸之費則有

制 司存將軍勿憂須奮武將軍兵到合擊羌虜以上責讓

按顏師古云天子之言一曰制書謂為制度之
命也蔡邕云其文曰制誥三公赦令贖令之屬
是也刺史太守相劾奏申下土遷書文亦如之
其徵為九卿若遷京師近官則言官具言姓名
其免若得罪無姓此漢之制也唐世大賞罰赦
宥慮囚及大除授則用制書其褒嘉替勞別有
慰勞制書餘皆用勅中書省掌之宋承唐制用
以拜三公三省門下中書尚書等官而罷免大臣亦用

慮恐虜字誤

宋史卷八十一 制書 十一

之其詞宜讀于庭皆用儷語故有敷告在庭敷告有位敷告萬邦誕揚休命誕揚贊冊誕揚丕號等語其餘庶職則但用誥而已是知以制命官蓋唐宋之制也今採二代制詞以為式而古今文體之變則作者所深悼云

邢氏進號賢妃制

宋孫洙

王宮六寢崇建婦官天極四星垂著妃象所以協宣陰教助穆宸闈矧視秩於上公必敷求於淑哲朕厲精于治選納尤希嬪嬙靡充位號多闕茲延登於邦媛用播告於路朝婉儀刑氏德稱後庭體

合法相居念保阿之訓動循環琬之音授弓矢於禡祠占熊羆於吉夢是宜詳案舊典升備列妃進參禴狄之華益昭彤管之煒坐論婦禮正始國風品冠六儀名超九御於戲周南之詠卷耳無險詖私謁之心齊詩之美鷄鳴有警戒相成之道寵靈烜赫禮秩優隆匪時婉孌之良疇若褒嘉之命佐右內治爾尚勉哉右嬪

徐王改封冀王制

宋范祖禹

周尊公且倚為四輔之師漢重王蒼位處三公之上及我仁祖加禮荆王顧惟冲人敢後叔父誕敷

明命播告治廷皇叔末興鳳翔等軍節度管内觀
察處置等使守太尉開府儀同三司雍州牧兼鳳
翔牧上柱國徐主賜詔書不名顯稟訓英皇同氣
神考仁義根于天性孝友冠于人倫昔在先朝蚤
膺異數迨宣后九年之政無愛子一毫之私追惟
宗慶之功用極昊夫之報方畢太公之祔饗莫先
尊屬之褒嘉是用登拜師垣仍聯使節徹彼徐土
受茲冀方內獎皇家外綏侯服進陪多賦衍食真
封於戲竝建親賢實為社稷之衛益疆藩屏用承
祖考之休往膺典冊之光永介壽祺之祉式昭令

德無愧前人

冊以上

除皇弟允初特授依前檢校尚書右僕射充
感德軍節度使加食邑食實封餘如故制

宋歐陽脩

門下爵賞當功則為善之勸廣名器不假則至公
之道存然而隆恩睦親所以厚乎風俗建侯作屏
所以扞乎提我王家非余敢私乃國舊典具官允
初質性純茂稟乎天姿學問發明聞由於師訓
維我叔父時為賢主緬懷遺烈之存屬乃克家之
善自被藩宣之寄久叅朝請之聯宜從留務之繁

進委臨戎之重節旄竝建并賦兼增僉謀克諧寵
數維渥於戲于戈衛社內有宣勤夙夜之臣甲冑
在躬外有奮力行伍之將爾其念宴安之懷毒知
富貴之難居戒損於滿而罔敢自驕勞身以謙而
克保其位無忘勗勵往服恩榮可特授依前檢校
尚書右僕射使持節耀州諸軍事耀州刺史兼御
史大夫充感德軍節度使耀州管內觀察處置等
使仍加食邑七百戶食實封二百戶散官勳封如
故主者施行

皇子除檢校少保節度使郡王制

宋李綱

朝廷尊爵式昭貴賈之儀父子主恩必厚親親之
典眷時賢嗣夙挺天材其疏茅土之封以篤邦家
之慶飭宣典冊敷告縉緹皇子具官某雅量淵澄
英姿玉粹鍾五行之秀氣備四序之純和聰智夙
成溫文自得曩稽立愛之義茂舉建侯之章擁元
戎之節旄備上公之袞烏尊德樂道克循就傅之
規立禮興詩日懋通經之訓載遵彛制宜有褒崇
是用按圖以定名拂龜而協吉奄授樂國易鎮雄
藩言觀其旂錫中軍之徒御大啓爾宇胙南土之

山川越陪邑戶之多兼界國租之實併彰異數式
慰茲懷於戲保佑自天竝既本支之茂封建厥福
聿崇廟社之休維忠孝可以報君親之恩維恭儉
可以長富貴之守往服朕命益介壽康

皇第十女封慶壽公主制

宋歐陽脩

門下詩紀王姬之盛車服之制甚嚴漢優帝之女
儀湯沐之封竝列蓋敦國體匪曰親私維始被於
寵章常推擇於嘉號載稽成憲誕告外庭皇第十
女寶婺分暉仙源襲慶天姿異稟溫而有儀姆教

不煩生而知善方居妙歲蔚有令猷朕仰承燕翼
之謀茲膺膺一作茲蕃衍之祉俾新禮命式示褒榮於
戲寵秩既崇在乎有德名稱甚美享乃多休祗服
茂恩勿忘明訓可封慶壽公主仍令所司擇日備
禮冊命主者施行

皇姪節度使除郡王制

宋李綱

爵祿以馭富貴允為八柄之先藩屏之建親賢實
本九經之重眷時猶子之懿錫以苴茅之榮涓選
剛辰誕敷顯冊皇姪具官某性姿端亮識度粹夷

胃出神明初靡貴驕之習訓通詩禮雅有致思之
文曩稽立愛之經茂著維城之義建元戎之苑鉞
視三公之服章夙夜惟寅會同見齋莊之色温恭
有恪烝嘗備顯相之誠賢儀浸明師論參穆疇其
聞望宜有寵褒是用按圖而定名契龜而協吉啓
其土宇疏以王封敦陪井賦之多衍界國租之實
增重翰垣之勢益宏宗祐之休於戲擅威福之權
私恩不廢於公義長富貴之守居寵當思於履危
茂對龍光往綬專社

嘉王橫海軍節度使制

唐陸贄

度土分疆設官蒞事因時設制期在理安必順物
宜且從人欲版圖既溢則疏邑以制州統攝或乖
則分部而建長沿革之道亦何常哉滄海之隅地
饒俗阜隱然北土實曰雄藩鎮撫之宜是資懿歲
開府儀同三司嘉王運氣本元淳重承先訓忠肅
孝友寬仁惠和勤於服儒樂在爲善施於事任必
有可觀舉不失親至公斯在欽率厥職永孚於休
可橫海軍節度使滄景等州觀察處置等使勳封
如故以上宗室

除李晟司徒兼中書令制

唐德宗

雲雷構屯，寓縣興難。非山岳降神，不生良弼。非股肱協契，不集大勳。故高宗得傳說中，與殷邦宣王任吉甫重光，周道天寶。年號之季，寇陷二京。時則先臣子儀翼戴肅宗，戡定禍亂。再造區夏，于今賴之。肆予小子，獲續丕構，不克負荷。失守宗祧，天祚我唐。降生忠烈，有社稷之臣。曰開府儀同三司檢校尚書左僕射中書門下平章事充神策軍節度使鄜坊等州管内觀察處置等使京畿渭南渭北商

華等州兵馬副元帥上柱國合川郡王李晟沈肅有勇堅明能斷聞難感憤誓軍徂征誠激于衷義形于色自河之右萬里濟師殷然雷奔木盜懾駭屬皇家不造戎帥誘姦重茲播遷郊甸震蕩而戩蓄銳養士深壘固軍以謀吞元兇以義糾羣帥躬擐甲冑率先啓行布忠信為軍聲持義烈為戰器廓清氛沴寧復皇都宗廟載安宇宙斯泰佐予與運時乃茂功德厚者任崇業盛者報重升以元輔建于上公熙庶績而翼宣九歌擾兆人而敬敷五教用疇并賦貽厥子孫與國咸休永播丕烈可司

徒兼中書令仍賜食封一千戶餘並如故俟還京後所司擇日備禮冊拜宣示中外以彰元勳

韓滉加檢校右僕射制

唐陸贄

周制以輔翼之臣出作方伯漢官以牧守之最擢拜公卿其在匡時中外同體朕以大勞未又勤血於黎元多難存興注意於藩岳就加命服式寵能賢則增秩進律亦古之道也金紫光祿大夫檢校吏部尚書使持節潤州諸軍使兼潤州刺史御史大夫充鎮江軍浙江東西節度觀察等使韓滉忠

肅剛直清公簡儉持至公以檢下強禦必繩秉大節以事君險難無易惠能恤眾明足照姦歲發勤王之師日增贍國之賦軍無撓敗俗以阜康殿于大邦理平訟息朝有勸典昭升乃庸昨王以報勤懋官以旌德底又江甸永孚于休可檢校尚書右僕射進封昌黎縣開國公餘如故

除宋庠制

宋歐陽脩

門下盡其志以饗親因而餘惠爵于朝而示衆所以褒功考祭典而可稽著國章而有舊矧乃樞機之任維余鼎鼐之臣飭事齋莊宣力左右方此慶

行之始宜推寵數之隆推忠協謀同德佐理功臣
樞密使開府儀同三司檢校太尉行兵部尚書同
中書門下平章事兼羣牧制置使上柱國廣平郡
開國公食邑七千八百戶食實封二千九百戶宋
庠履行清純器識深茂夙有佳譽尉為名臣文足
以為國華學足以謀王體入則登于三事備蓋謀
猷出則殿于大邦諳有風績自還機務頗歷歲時
秉一德以協恭出處不更其守展四體而盡瘁夙
夜匪懈其勞屬盛禮之有成廣推恩而自近按夫
輿地特啓於新封加以寵名蓋遵於故事維是便

蕃之錫式伸眷倚之懷於戲君子者邦之基大臣
者民之表縉紳之望所屬老成德業之隆豈煩多
訓服我休命往維欽哉可特授依前檢校太尉行
兵部尚書同中書門下平章事兼羣牧制置使充
樞密使特封莒國公仍賜推忠協謀同德守正佐
理功臣散官勳食實封如故主者施行

除李昭亮制

宋歐陽脩

門下朕卜吉孟冬躬薦清廟禋考來格既以百福
之多慶賜遂行均于四海之廣維予將相之任是
謂股肱之良宜擇剛辰誕揚休命忠果守正佐運

文淵閣詳錄

一

三

翊戴功臣彰信軍節度曹州管内觀察處置等使
開府儀同三司檢校太保同中書門下平章事持
節曹州諸軍事行曹州刺史上柱國隴西郡開國
公食邑一萬一千五百戶食實封三千四百戶李
昭亮志尚純慤資識敏明世蒙舊德之餘早遭重
熙之盛備于器使奮厥材猷好學詩書知將率之
為體兼推威信撫士卒以克和入則有宿衛之勤
出則著扞城之效寄之方面屢守於要藩班乃政
條頗頻頻作聞於佳譽乃眷別都之重實司留鑰之
嚴擁節秉鈞並享崇高之貴洽戎撫俗兼資鎮靜

之材茲維圖任之艱方屬倚毗之意是用因霽恩
之浹洽推異數之便蕃廣乃疏封增其真戶仍曠
美績褒以嘉名於戲秉德不回所以見始終之操
好謙自守乃能君寵祿之榮汝其欽哉膺此優渥
可特授依前檢校太保同中書門下平章事使持
節曹州諸軍事行曹州刺史充彰信軍節度曹州
管内觀察處置等使加食邑七百戶食實封四百
戶仍賜推誠保德守正佐運翊戴功臣散官勳封
如故主者施行

韓琦加恩制

宋王安石

門下朕祗率舊章肇稱吉禮對越天地具獲靈明
之歆相維公卿並膺休顯之賜其孚大號以寵元
勳推誠保德崇仁守正協恭贊治亮節翊戴功臣
淮南節度揚州管内觀察處置營田等使開府儀
同三司守司徒檢校太師兼侍中行揚州大都督
府長史上柱國魏國公食邑一萬三千七百戶食
實封五千戶韓琦躬受偉材出陪熙運保茲天子
進無浮實之名正是國人退有顧言之行間朝廷
之兩社揉方域之萬邦辰猷具臧器寶加重中辭
機軸之要外即藩屏之安衡統統純備三公服飾

之盛慶堯堯載壽兼大將威儀之多序績既崇脩方
彌謹協成宗祈之禮與有顯助之勞肆衍本封申
加美稱於戲恩典徽數所以旌帝臣明德茂功所
以獎王室往維勵翼服此褒嘉可特授依前守司
徒檢校太師兼侍中行揚州大都督府長史魏國
公充淮南節度揚州管内觀察處置營田等使加
食邑七百戶食實封四百戶仍賜推誠保德崇仁
守正協恭贊治亮節佐運翊戴功臣散官勳如故
主者施行

除王德用依前檢校太師同中書門下平章

事兼羣牧制置使充樞密使河陽三城節度使加食邑實封仍改賜功臣制

宋胡宿

內樞之地，上範於斗官，前箸之籌，參寄於人傑。以經常武之事，是號本兵之司。圖冠厥名，疇總予務。乃眷元侯之長，早崇右府之聯。爰擇剛辰，復還舊物。具官王德用，志懷果烈，風槩沈雄，通於竒正之謀。居然英傑之氣，春秋閱禮，韞義府以維深。甲令書忠載世家，而有舊比膺推轂。存歷千城，先十乘以臨戎。長萬夫而觀政，德刑具舉，威惠參施。能名

播於外夷，沈機隱於敵國。邇咨俊望，擢典繁機。翼濟事功，迪宣忠力。孚乃誠而匪懈，研諸慮以維微。旋均基宥之勞，亟樹藩宣之治。蹈險夷而一致服，忠孝而兩全簡。在朕心洽於朝聽，是用升鳳池之寵。秩聯虎節之榮，章倚殿輔邦用。陪京室屬右樞之闕，職咨羣岳以擇材。僉曰汝賢，宜弼予治。蓋天子三老出以居方伯之尊，寰內諸侯入則處公卿之任。仰維曩制，舉是隆名。用起壯猷，使纂舊服。仍峻雲臺之號，兼增井牧之封。式厚耆英，有加名數。於戲樞機，發令制戎事以維艱。樽俎折衝，經入謀

而匪易往慎乃位益思其忠

除劉沆特授行工部尚書充觀文殿大學士
知應天府加食邑實封仍改賜功臣餘如故

宋歐陽脩

門下罄一節以事君中外之任無間處大臣而有
體進退之禮必優矧予輔弼之良方賴股肱之寄
屢形懇避嘉敦慤之弗移宜峻寵章示眷懷之特
異其官劉沆質性剛鯁姿材敏明早以藝文策備
科於異等遂追髦彥騰夷路以飛華入必侍於清
間出屢更於事任翼翼是則有聲京邑之雄巖巖

具瞻遂參廊廟之用乃疇嘉績爰正咨司執毀譽
不回之心篤於自信勤夙夜匪懈之志久而益勞
顧方厚於倚毗乃遽思於退讓宴見之際有言而
必誠封章之來雖却而復至察其所守實亦重違
維茲秘殿之嚴眷乃留都之重既增美秩仍益真
封寵我邇臣斯為異數雖如汝志尚簡予衷於戲
秉國之鈞居則坐而論道為時舊老往則殿于太
邦是維出處之榮勉服便蕃之命可特授行工部
尚書充觀文殿大學士知應天府加食邑一千戶
食實封四百戶仍改賜推誠保德崇仁忠亮功臣

散官勳封如故主者施行

陞裴耀卿張九齡為左右丞相制

唐玄宗

門下變理陰陽儀刑端揆自非人傑孰副僉諧金
紫光祿大夫侍中弘文館學士上柱國稜山縣開
國男裴耀卿才實國卿望為人範懷匪躬之節竭
奉上之心金紫光祿大夫中書令集賢院學士脩
國史上柱國始興縣開國子張九齡器識宏遠文
詞博達負經緯之量有謀猷之能自翼贊台階
倫攸叙直道之心彌固蹇諤之操逾堅並可以儀

範百僚緝熙庶績宜處掖垣之任得列官師之長
耀卿可守尚書左丞相九齡可尚書右丞相散官
勳封如故主者施行

劉滋崔造齊映平章事制

唐陸贄

朕嗣位君臨精求理道小大之務靡不經心日慎
一日于今八載教化未洽烝黎未康因之以甲兵
繼之以災沴斯固鑒有所不至慮有所不周予深
浩然若涉深水思所以匡我致理助我官人宣其
澤而四方以寧執其要而百士式叙允是大任其

維輔臣夢想勞懷敷求後人察言而觀行因事以
考能周行之中乃得良弼權知吏部侍郎劉滋操
履貞清介然自守居能慎獨重不違仁析理究其
精微勵學探於奧旨守給事中賜緋魚袋崔造性
合道要誠通化源適時有成務之才事上懷匪躬
之節蘊蓄器業居為名臣中書舍人賜紫金魚袋
齊映脩己以立自明而誠體賢人可大之規用君
子時中之道虛能受澤清通不流維滋之直方可
以激風俗維造之體度可以振條綱維映之精深
可以該物理我有大典爾其參之懋昭厥猷勿替

休聞滋可充散騎常侍同平章事造仍賜紫金魚
袋其有散官封贈並如故

除文彥博平章軍國重事制

宋鄧潤甫

師傅道之教訓先王所以迪厥官老成重以典刑
天下所以資其智迺覽舊德時謂元勳謀合祖宗
之心名載鼎彝之器申效贊策播告外朝河東節
度管内觀察處置等使守太師開府儀同三司太
原尹致仕上柱國潞國公文彥博惇大而清明方
嚴而信厚出則秉乎旄鉞入則總我鈞衡文武兼

備其才夷險能致其力畢公之弼四世三紀于茲
傳說之總百官萬邦其久爵隆無富溢之累名遂
有身退之榮神明相其壽康人心想其風采是用
還之論道倚以經邦以帝者之師臣謀議廟堂之
上以天下之大老制馭夷狄之情庶幾有為底于
極治陪敦多并申衍真封於戲呂望維賢起佐文
主之治用命已老留為孺子之師矧我者英無愧
前哲往宣一德用格多盤

宰相除三公制

宋李綱

代天理物夙隆揆路之勲論道經邦宜補袞職之

闕眷子碩輔為國盡臣泰山巖巖又副萬邦之望
赤烏几几往登三事之崇播告路朝誕敷顯冊具
官其裕和而肅又醇厚而高明智周萬務之微學
洞六經之蘊蚤以令聞揚于禁塗臣作朕股肱擢
預經綸之政帝賚予良弼遂膺考爰之求勵相國
家救寧方夏燮諧四氣之序參聽百官之成當軸
處中材足以運動樞極贊元經體道足以和同天
人禮樂興于百年聲教訖于四海俾予從欲以治
時乃佐王之休疇其勲庸宜有褒寵備三公之典
冊爰隆帝傅之聯秉上宰之鈞衡遂正真相之任

行戶租而倍食錫國邑以疏封併昭物來之多用
侈台符之峻於戲鹽梅正味久調制於鼎司哀繡
命章往參華於槐位式是百辟毗予一人益敦燮
理之功期底盈成之業無替朕命未孚於休可特
受太傅

觀文殿大學士中太一官使除少保左輔制

宋李綱

朕駿惠先猷肇脩官制允釐輔弼之任是正公孤
之稱祇若新書以大熙於邦采登延舊德宜遠總
於台司涓選剛辰誕揚休命具官某器函莊重德

稟粹和學通今古之淵源識際天人之精祲蚤持
從橐有獻納論思之忠擢預政機得贊襄勵翼之
體遂膺夢卜之舉進秉鈞衡之權相業維優師論
參穆中辭幾務之要退即燕休之安兼祕殿之隆
名領殊庭之膚使年德彌邵聞望益休盍還揆道
之官茂底格天之業篆車締冕秩陞亞保之崇青
瑣黃扉職峻東臺之長倍敦井賦申行戶租式昭
體貌之隆庸示寵光之渥於戲用人維已朕方圖
任於元勳以道事君爾其承弼於厥辟渙號聿資
於審復非彝允賴於糾繩毗予一人式是百辟無

替朕命往其欽哉

加蕭華中書侍郎等制

唐高宗

弼予之選審象是求夫步未平廟謨尤切必資明
表佇以佐時畫上之才取則不遠正議大夫前河
中尹兼御史中丞充本府晉絳等州節度觀察等
使上柱國嗣徐國公賜紫金魚袋蕭華公輔成名
承家繼業詞標麗則德蘊謨明再履官坊尤知至
行致君望美閱相求能且推伊陟之賢更啓漢臣
之閣還依日月佐理陰陽俾參政於紫宸用建中

於皇極可中書侍郎同中書門下平章事集賢殿
崇文館大學士監脩國史

除崔與之禮部尚書制

宋寧宗

勅眷坤維之萬里有偉得人峻常伯之六官可稽
出命朕心簡在士論翕然煥章閣直學士朝請太
夫增城縣開國子食邑六百戶賜紫金魚袋崔與
之德宇融深才猷縝栗比由推擇亟晉貳於冬官
迺克對敷果驟寬於西顧念四載賢勞之久宜一
時寵數之隆遂居禮樂之司以式兵戎之務趣觀

未離於蜀道承休已列於天朝宣室邃嚴將虛心於聽納儀曹清簡尚篤意於論思美報不渝光恩疊至可依前朝請大夫特授權禮部尚書賜如故除崔羣戶部侍郎制 唐韓愈

勅地官之職邦教是先必選國華以從人望具官崔羣體道履仁外和內敏清而容物善不近名從容禮樂之間特達珪璋之表比叅密命弘益既多及貳儀曹升擢維允邁茲令德藹然休聲選賢與能于今雖重擇才均賦自古尤難往慎乃司以服嘉命可一有云字。宋朱熹曰公掌山綸誥。年唯有此制則其文遺逸多矣。

擢尹思貞御史大夫制

唐睿宗

國之副相位亞中台自匪邦直執司天憲將作大匠尹思貞賢良方正碩儒耆德剛不護缺清而畏知簡言易從莊色難犯徵先王之體要敷裕必陳折佞臣之怙權拂衣而謝故以事聞海內名動京師鷹隼是擊豺狼自遠必能調理前弊發揮舊章宜承弄印之榮式允登車之志可御史大夫

唐肅宗

擢李光弼天下兵馬元帥制

元帥之任實屬於師貞左軍之選諒資於邦傑自
非道申啓沃學富韜鈴則何以翊分闔而專征膺
擊門而受律求諸將相允得其人司空兼侍中鄭
國公光弼器識弘遠志懷沈毅蘊孫吳之畧有文
武之材往屬艱離備彰忠勇協風雲而經始保宗
社於阡危由是出備長城入扶大厦茂功懸於日
月嘉績被於巖廊屬殘寇猶虞總戎有命用擇維
賢之佐式弘建親之典必能緝寧邦國協贊天人
誓于丹浦之師勦彼綠林之盜載明朝獎爰籍舊
勲宜副出車之命仍踐分麾之寵為天下兵馬元

帥

杜亞淮南節度使制 唐陸贄

淮海奧區一方都會兼水陸漕輓之利有澤漁山
伐之饒俗具五方地綿千里聿求良牧豈易其才
今又革車方與軍賦屢調體於寬大則事缺務於
辦集則人殘自非剛柔適中文武兼備其何以副
我憂屬惠綏南方正議大夫行尚書刑部侍郎上
柱國扶風縣開國男杜亞識精體要學究宗源妙
於用而有常通其變而能久為理敦教化之本立
言參禮法之中道無緇磷行有枝葉回翔省闕表

文選卷之六

制

四六

彌綸獻納之勤踐歷方州著清淨循良之稱其嚴
重可以鎮俗其才術可以匡時休有令問輝映朝
列朕以東南思又注意求賢爰輟名臣俾寧藩服
往率厥職時維欽哉可揚州大都督府長史兼御
史大夫充淮南節度觀察處置等使

彰信軍承宣使除武寧軍節度使制

宋李綱

推轂授師總將權於閫外料敵應變制虜命於掌
中參稽勲烈之崇宜懋褒嘉之典我有明命揚于
天廷具官某沈鷺好謀直剛不撓少有四方之志

出逢千載之辰揚漠北之威名厲山西之勁氣敦
詩說禮有古將帥之風懷德畏威得吾士卒之用
入宣勞於宿衛出著効於干城疇咨鎮撫之材爰
付邊陲之寄賴爾經畧紆予顧憂而能因塾乘機
運籌制勝被堅執銳親居矢石之間斬將搃旗躬
致馘俘之獻日百里以闢國月三捷而奏功大震
天聲永清夷落是用旌其功伐畀以節花領鎮雄
藩盡護諸將神旗豸備大將之威儀祕畧龍韜
新元戎之紀律敦陪并賦申衍戶租併示恩榮式
昭眷獎於戲高爵厚祿朕不吝於報功禦侮折衝

爾毋忘於敵愾勉罄不才之力益隆屏翰之強祗服訓辭茂對光寵

除苗授武泰州軍節度使充殿前副都指揮使制

宋蘇軾

出總元戎作先聲於士氣入為環尹寓軍政於國容將伸閫外之威以迪師中之吉咨于爾眾朕得其人侍衛親軍步軍副都指揮使威武軍節度觀察留後持節福州軍州事福州刺史上柱國濟南郡開國公苗授早以異材見稱武畧被服忠義有烈丈夫之風砥礪廉隅得士君子之槩存揚邊圉

益著勞能拔百眾入既蒙先帝之遇遂拜大將無復一軍之驚祗扈殿巖肅將齊鉞予欲少長有禮而兵可用汝其夙夜在公而令必行於戲愛克厥威罔功茲為深戒師眾以順為武古有成言維懋乃衷毋忘朕訓

除富弼尚書左僕射充觀文殿大學士集禧觀使制

宋呂公著

聖主賦祿所以崇德而勸勞賢者辭隆所以激貪而厲俗眷我外相維時宗工願還重紱之榮蓋露累章之請既重違於悃悞宜特示於褒優載揆剛

辰式敷渙號推誠保德崇仁忠亮佐運翊戴功臣
武寧軍節度徐州管内觀察處置等使開府儀同
三司檢校太師同中書門下平章事行徐州大都
督府長史上柱國鄭國公富弼體資忠亮識蘊淵
閑炳嶽瀆之粹靈挺棟橐之厚器光輔仁祖蔚為
文武之師迨事先皇實總機衡之要引疾遽辭於
大柄均勞式殿於近邦未移巖石之瞻併及洪河
之潤肆予纘紹尤渴儀刑雖體力之未平顧風猷
之克壯而乃過持冲守深遜寵名諭言已周誠意
彌確朕惟安危所寄雖賴老成之人損益有規宜

神大雅之志俾進班於左揆聽復節於中臺仍總
領於殊庭竝論思於祕殿用彰寵數蓋示眷懷於
戲進止不膠共扶於名義幽明有相終昇於壽域
風於四方時汝之德

除程戡安武軍節度使加食邑實封再判延
州制 宋王珪

周禮命卿司馬掌國征之事漢儀遣帥將軍顯闡
制之權自非謀經帷幄之咨名厭疆陲之難則何
以稽圖而受社賜律以臨戎茲疇舊政之良式協
師虞之望具官程戡體忠忱之度蹈夷雅之風進

文獻通考卷之八

奪藝文之華仕階名秩之膺方先朝之顛峻更三
府之告歎左右六年夙夜一節肆纂休於皇緒適
留寄於邊衝空深寤寐之思且重安危之倚上金
城之方畧猶知充國之彊習關里之絃歌還見祭
遵之佚就付兩河之節存緩西土之封既衍食於
爰由復倍輸於真戶風聲雖舊籠數維新於戲制
夷狄者備不可遽忘守方隅者執不可數易蓋威
素申則敵情熟信久著則士心懷尚堅壯圖往服
渥命

除文彦博判大名府制

宋歐陽脩

門下朕惟將相之崇資是為文武之極選隆其名
器所以重朝廷列于藩宣所以屏王室矧乃居留
之任必屬老成之人爰擇剛辰敷告有位具官文
彦博器閑而厚識粹而明學得其方通古今而知
要才周於物適大小以維宜自奮發於聲猷早更
揚於中外君則參禪乎國論出則宣暢乎皇威兩
踐台司首當柄用賢愚式序舉百職以咸脩綱紀
甚明贊萬幾而至悉自下自字無懇避鈞衡之任出司
管鑰之嚴逮此逾時蔚然休問眷言邦哲實簡予

東是用更其擁節之榮委以別京之重勁兵所宿
實資總制之權雅俗維萬兼賴撫綏之政於戲與
國同體是謂股肱之良維民具瞻方隆師尹之望
顧我舊德豈煩訓辭往其欽哉祗服休命可特授
依前檢校太師同中書門下平章事路國公行陝
西大都督府長史充保平軍節度使判大名府兼
北京留守司事充大名府路安撫使加食邑七百
戶食實封五百戶功臣散官勳封如故仍放謝辭
發赴本任主者施行命以上

褒美李朝隱制

唐睿宗

李朝隱為長安令有宦官閭典貴諷縣請
託朝隱命拽出之睿宗聞而嘉歎廷召朝
隱策曰卿為京縣今能如此此朕復何憂乃下制曰
夫不吐剛而諂上不茹柔而黷下者君子之事也
踐雷必繩登車無屈者正人之務也長安縣令李
朝隱德義不回清強自遂亟聞嘉政累著能名近
者品官入縣有垂儀式遂能責之以禮繩之以愆
但闡豎之流多有憑恃柔寬之代必弄威權歷觀
載籍常所歎息朕規誠前古勤求典憲能副朕意
實賴斯人昔虞延持皇后之客梅陶鞭太子之傅
古稱遺直復見于今思歛旌其美行遷以重職為

時屬閱戶政在養人宜加一階用表剛烈可太中大夫特賜中上考兼絹百匹七遷絳州刺史兼知吏部選事右襄美

停燕國公張說中書令制

唐張九齡

門下中書令燕國公張說往屬艱難輸誠於履險及茲輔相潤色於告成而不察細微之人頗乖周慎之旨朕畧小存天念舊錄功且法不欲屈宜罷中樞之任義亦有在更崇端揆之榮可尚書右丞相仍將國史於宅脩撰主者施行

罷免宰相制

運籌而決千里之勝茲有賴於宗臣失律而致三軍之凶顧可居於宰職眷吾次輔嘗領中權既貽疆場之憂宜解權衡之任其官某早緣人望驟履政塗謂其悖大而有謀可以艱難而立事故擢持於國柄乃專付於戎輶總諸將萬夫之謀當長江一面之寄所期李勣為我長城寧使周公至於破斧逮敵人之臨境率我眾以交鋒維勝負乃兵家之常當死生為天下之寄乃因追北唯事退藏至大棄於其師將焉用於彼相會邊虞之稍息聞物

論之交與已。嗚呼！民瞻難逃，策免念備，股肱之文，姑存體貌之餘。止罷要權，猶從優數，賦殊庭之厚祿，加祕殿之隆名。於戲！泰階平而風雨時，始共期於康濟；采薇廢而征伐缺，今良夫於倚毗。尚冀桑榆之收，復全龜玉之毀。勉圖偉績，用對殊休。以上免官

贈徐有功越州刺史制

唐中宗

忠正之臣，自昔攸尚。褒贈之典，舊章所重。故贈大理卿徐有功，節操貞勁，器懷亮直，徇古人之志業，寔一代之賢良。司彼刑書，深存敬慎。周與來俊，臣

等惟維殘酷，務在誅夷，不順其清之加，誣害有功。卓然守法，雖死不移，無屈撓之心，有忠烈之議。當其執斷，並遇平反，定國釋之，何以加此。朕惟新庶政，追想前跡，其人既歿，其德可稱。追往贈終，慰茲泉壤。可贈越州刺史。

贈封張東之制

唐睿宗

褒德紀功，事華典冊。飾終追遠，理光名教。故吏部尚書張東之，翼戴興運，謨明帝道。經綸譽謬，風範猶存。往屬回邪，構成豐外。無辜放逐，淪沒荒遐。言念勳賢，良深軫悼。宜加寵贈，式賁幽泉。可贈中書

令封漢陽郡公

贈裴炎益州大都督制

唐睿宗

飾終追遠斯乃舊章表德旌賢有光恒策故中書
令裴炎含弘稟粹履信居貞望重國華才稱久秀
唯幾成務績宣于代工偶居無猜義深於奉上文
明之際王室多虞保乂朕躬實著誠節而危疑起
豐倉卒罹災歲月屢遷丘封莫樹永言先正感悼
良多宜追賁於九原俾增榮於萬古可贈益州大
都督

贈李絳司徒制

唐文宗

朝有正人時稱令德入參廟筭出總師于方當寵
任之臣橫罹不幸之酷殄瘁興歎縉紳所同故山
南西道節度管內觀察處置等使銀青光祿大夫
檢校司空兼興元君御史大夫上柱國趙郡開國
公食邑二千戶李絳神授聰明天賦清直抱仁義
以希前哲立標準以程後來抑揚時情坐致台輔
佐我烈祖格于皇天伏鉞宣風聯居樂土乘軒鳴
玉嘗極清班先聲而物議皆歸不約而羣情自許
漢中名部俾遂便安而變起不圖禱生無兆感良

文選月壽云

卷

三

之慟聞訃增傷是極哀榮用優典禮三公正秩品
數甚崇式表異恩以摠沈痛可贈司徒仍令所司
擇日備禮冊命

李愬贈太尉制

唐白居易

勅故特進行太子少保上柱國涼國公食邑三千
戶食實封五百戶李愬在建中歲泚賊叛逆惟太
師嚴實仗太順翦而誅之在元和朝蔡寇充斥惟
爾愬實奮奇策虜而戮之父子之功書于甲令俱
為第一焯燁當時矧爾一登將壇大換鈇鉞坐論
巖廊之道即理保傅之事方深倚望奄忽淪謝是

用當食累歎視朝三輟豈不以爪牙之威缺於外
股肱之痛軫於中者乎而弔奠之命賙賻之數雖
加常等未表殊恩宜以太尉之秩贈上公之哀斂
俾爾被哀榮服忠孝從先太師於九原也不其盛
歟嗚呼美終必復禮無不答昔爾之勤勞如彼今
吾之寵飾如此君臣報施可謂兩臻其極焉爾靈
有知欽我追命可贈太尉仍令所司備禮冊命賜
絹二千四布七百端米粟一千石委度支送

歸融贈左僕射制

唐杜牧

物有祿位而享富貴啓手足而歸壤樹身歿名著

文體明辯卷之十八

生榮死哀蔚為大臣宜遵贈典故金紫光祿大夫
守太子少傅分司東都上柱國晉陵郡開國公食
邑二千戶歸融發於文華揚歷清近業冠前輩才
高當時總領屬官預聞政事凡曰繁劇無不踐更
刃皆有餘施無不可徧處重位內脩典法三乘戎
輅外作屏毗富而不驕貴而愈謹曾參三省太叔
九言服以行之終身不倦實士林之君子為朝廷
之表臣未究高年遽聞長夜爰舒痛悼用加顯位
命之寮長以慰重泉可贈尚書僕射以上贈官

慈字一見

